



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt X. Oblata à Luthero, & à Cardinali recusata. Discessus, ac
prouocatio ad Pontificem. Quae ea in re gesserit Cardinalis expenduntur.

urn:nbn:de:hbz:466:1-11642

Oblata à Lutherò, & à Cardinali recusata. Discessus, ac prouocatio ad Pontificem. Quia ea in re gesserit
Cardinalis expenduntur.

- 1 Taque Lutherus à conspectu quidem Cardinalis abstinuit, sed per literas exposuit, retractationem suam infructuosam futuram: cùm ex vna parte non valeret ipse rei per hæc veritatem euertere, & ex altera, conscientiâ prohiberetur: neque S. Thomas, & Scholasticorum auctoritatem sibi tanti esse, vt in ea conquiscendum existimaret.
- 2 Obtulit illi, vt semper obtulerat, velle se auctoritati Ecclesiæ subiacere: sed ab ea obsequentis specie bracteolam aperte contumaciam prætendi satis apparebat, ex quo Lutherus à Legato pressus negauerat vel ipsam Ecclesiæ auctoritatem, damnatis Clementis & Sixti Constitutionibus; tunc verò drectebat judicium Legati à Latere, ab ipso Pontifice Romano ad eam causam cognoscendam constituti.
- 3 Duo præterea alicuius momenti addebat. Alterum, cùm animaduerteret se prolapsum in verba minus reuerenter in Pontificem iacta, quamquam ad ea ab aduersariis lacessitum, tunc errorem è suggestu se reuocaturum, nec in posterum id commissurum: alterum, de articulis Indulgentiarum se habiturum silentium, modò haberent aduersarij.
- 4 At verò circa id apertissimè habitur Suavis, narrans hasce literas fuisse à Lutherò dataς post prouocationem ad Pontificem, & postquam Augustà deceperat: utrumque enim refellitur à die literis adscripta, & à memorata narratione Lutheri.
- 5 Ea quæ literis quas diximus exhibebantur, haud poterant satisfacere Legato. Primo, quia Lutheri errata non solum Indulgentiis aduersabantur, sed grauissimis aliis capitibus, vt narravimus. Secundo, quia promissum silentium solum effecisset, ne multiplicarentur errores, non verò vt iam asserti corrigerentur; cum semper Lutheri scripta perstarent typis ab eo edita, ac diuulgata; effeteque cunctis exploratum, ipsum in sententia persistere. Tertio, quia pro tali silentio pretium ille postulabat, cuius solutio nimis foret indigna Pontificiæ Maiestati; nimirum, par frœnum ori Catholicæ veritatis, & ab Ecclesia tradita iniiciendum. Satis igitur habuit Legatus, Lutheri literis nihil respondere; ratus fore vt follis

1518. follis ille ventosâ elatione distentus, nulloque repercussus iactu, de se tandem humi consideret. Secùs tamen ac speratum erat accidit. Nam prius quidem Stupitus timore correptus, siue eorum monitis, qui solent amicitia studium ostentare, pericula atque infornia præagiendo, siue interioribus minis conscientia, ob operam minus fideliter Legato nauatam, gñarissque nullâ sibi fide publicâ cautum, vti Lutherò; clâm se subtraxit, Cardinali Cajetano insalutato. Ac paulò post Martinus etiam, suspicione atque intollerantiâ agitatus, improviso discessit; contestatione prius habitâ per acta publica, quæ post eius digressum in Augusta foro defixa sunt, destinatisque ad Legatum literis excusatione plenis. In iis, recensitâ facti serie, ostendebat: Fieri non potuisse, vt se Romanum conferret ex præscripto diei sibi prius dictæ, quæ corporis inualetudine, quæ inopia, & quia Romæ inturum videbatur domicilium ipsi Pontifici, nedum aliis; indicans, opinor, coniurationem ibi contra Leonem recens conflatam. Duobus Iudicibus prius à Pontifice delegatis se disfidere, propterea quod sacri Palatij Magister ante delegationem contra ipsum scripsisset: Auditor vero Apostolica Cameræ potuisset quidem pro sua scientia diiudicare de causa Iuris Civilis, non tamen dogmatis Theologici; vnde ab auctoritate Collegæ se trahi suisset. Cùm autem postea ad interpositas Septemviri preces imperata fuisset huius causæ cognitio in Germania, ac Legato demandata, voluisse aduersus multorum consilia Augustam pedibus adire, & graui cum incommodo, quod eum redderet de causa certiore. Fuisse quidem ab eodem humaniter exceptum; sed imperare nequissime, vti res ex diuinæ Scripturæ testimoniis expenderetur, atque omnino iussum se retractare, quod sibi pro sua conscientia fas non erat; nosse etiam, gratiorem suo Principi prouocationem, quam retractionem fore. Proinde cùm ob paupertatem illic diutiùs commorari ei non liceret, statuisse decadere, contestando, vbicumque foret, se obedientem Pontificis & Ecclesiæ filium, se suaque omnia Leonis pedibus substeruentem; prouocare se interim à Legato, tamquam à suspecto Iudice propter Dominicanorum Ordinem, cui nomen dederat; propter Scholasticam disciplinam, quam profitebatur; propter doctrinam S. Thomæ, in qua fuerat eductus: prouocare pariter à Pontifice, tunc causæ sua male conscientio, ad eumdem Pontificem, cùm de ea melius fuerit edoctus.

Hunc extreum actum habuit ea scena, in qua Martinus duplē & oppositam personam gesit; alteram contumacis & contemptoris,

temptoris, alteram obtemperantis & obsequentis Romani Pontificis auctoritati. Etenim non in literis modò ab eo ad Legatum scriptis, solemnique prouocatione, sed in aliis plurimis ad Leonem missis, incredibile est quām prolixis pollicitationibus plenam exhibeat obedientiam mentis ac voluntatis, atque etiam operis ad eius nutum. Porrò ex se quisque animaduertit, quām bellè adeò fallax & subdola agendi ratio congruat homini, qui se Dei nuntium venditabat, missum ad emendandos mortales, lucemque Religioni affundendam. Verū subsecutis annis studuit ipse duplice arte huius fœderatē maculæ ab alienis oculis remouere. Alterā, Christianam demissionem affectando, quā scipsum damnabat; quippe id temporis nondum satis cœlesti lumine afflatus & adhuc Saulus erat, fidemque tribuebat Romani Pontificis auctoritati. Alterā, profitendo fuisse vrbanitatis officium, in ea rerum conditio ne huiusmodi subiectiōnem exteriūs obtendere. Atqui si Saulus id temporis erat, ergo tunc haud cœperat, vt sibi arrogat, Gentium Apostolus esse. Et si tunc fidem tribuebat auctoritati Pontificis, cui eidem simul refragabatur? Vrbanitas verò postulat ea quidem obseruantiae officia, quibus tamen numquam in iis, quæ scripsit, usus est Lutherus, vel ab ipso Melanchthon suo in eo genere reprehensus; at minimè postulat vt offeratur veræ Fidei abiectio: alioquin fas erit, per vrbanitatem idola venerari. Quare sacrilegus exitit Lutherus, si veram existimauit eam fidem, à qua obtulit se recessurum, si Pontifici id probaretur, quem legitimū diuini Verbi interpretēm non censēbat.

⁷ Equidem fateor, antequam hoc opus aggrederer, harumque rerum veritatem peruestigiassem, ductum me ab opinione vulgari, cui quisque in eo quod sua non interest facilè credit: idcirco inducebam in animum, hinc imperitiam, vti ferebatur, Caietani in Ecclesiastica eruditione, postremis deinde annis ab eodem sibi compara ta; hinc eiusdem imperiosorem in agendo asperitatem, fuisse medicina defectum ingenio, & venenum animo Lutheri. At postmodum hanc rerum seriem ab ipsius Martini calamo edocitus, haud intelligo, tametsi Cardinalis viuum fuisse totius Ecclesiasticae eruditio nis ararium, quānam potuisset per eam quidquam proficere illi negotio, assumptis sibi disceptantis partibus, per se quidem minus conducibilibus, & odiosis illi cui succumbendum est; adeoque debilitatā Iudicis auctoritate, instar quorundam militarium Imperatorum, qui ad digladiandum cum suis militibus per iram se adduci patiuntur. Alioqui tantā moderatione se gessit erga fratercu-

Pars I.

F

lum



1518.

* Lutherus
in literis &
narratio-
bus chia-
ris.

lum hæreticum, & nondum in ea conditione fortunæ positum, vt posset Wittembergâ Augustam equum conducere; ibique emendato Religiosis Carmelitæ hospitio exceptum, victuque nutritum; quod si secus accidisset, maiore ratione fuisset Caietanus incusatus, dignitatis suæ minus fortiter sustentatæ. Quinetiam potuit adeò sibi imperare, vt vbi sensit se tam audacter ac solenniter à Lutherô repudiatum, tamquam iudicem suspectæ iustitiae, cumdemque nullâ petitâ abeundi facultate à se contemptim digressum; non tamen efficerit id quod in simili negotiø quicunque iudex pedaneus effecisset, videlicet reum damnare. Sed est in more positum apud homines, adulari fortunæ, & alienam imprudentiam calumniari, in cunctis malis publicis illam ceu insontem absoluendo, hanc vti sontem damnando.

CAPVT XI.

*Acta inter Caetanum Cardinalem, & Fredericum Septem-
uirum. Technæ Lutheri cum Septemuiro adhibitæ :
& que inde consecuta.*

Epistola
omnes, alia-
que scripta,
que hic suc-
cessivæ ci-
tantur hanc
rem concer-
nentes, im-
pressa sunt
primo tomo
Operum
Lutheri.

DElusâ Legati spe, quam conceperat sibi conciliandi vel mentem Lutheri doctrinæ, vel obiequium auctoritate, vel animum comitate, vel submissionem terrore, non idcirco ab ea fiducia se deduxit, quam summi viri in suorum bonorum præstantia collocant; sed illum per se deuicere posse putauit ab existimatione Septemuiri, solo impetu suæ præpotentis testificationis. Itaque ad Fredericum dedit literas, quibus ipsum de re summatim docebat, rationibus prætermisso, quarum vim intelligebat ab eo Principe haud percipi non posse; sed certiorem suo testimonio eundem faciebat, Martinum hæresi pollutum esse, suisque obiectis responsa relatu indigna reddidisse: quæ verba spectabant ad ea quæ Lutheri iactauerat de erroribus, in quos Romani Pontifices inciderant in Constitutionibus contra se adductis pro Indulgentiis. Quapropter rogare Saxonem, vt conscientie decorique suo consulteret, siue reo Romanum dimisso, siue à sua dirione depulso, suâque tutelâ exarmato; eidem se denuntiare, pestilentem eam tabem non posse ita persistere, & causam tunc à se dilapsam, mox Romæ agitandam, ac iudicio decidendam.

Sed quemadmodum propinquo igniculo acriùs incalescimus, quām toto sole longinquò; ita maiorem intulere vim Frederico præsentia Stupitij ac Spalatini verba ad prosequendam Lutheri defensionem,